


172

CASA ALPINA
BRATTO



FESTEGGIANDO IL
CINQUANTESIMO...

FESTEGGIANDO IL CINQUANTESIMO
DELLA CASA ALPINA DI BRATTO

Ess in Colonia, sota 'l ciél de stèle
che i sberlùgina mèi che zò 'n sità
èsga, söl pogiöl a respirà
l'arieta fina e sènt per i stradele,

fòrse, quach-ùs che i canta e i se slontana
Ùso de dì : chèl che l'è stacc l'è stacc...
ma vèsga amò a 'nsognàm la Presolana,
l'odùr d'i malghe e 'l bù profòm d'i pracc.

Eco 'l pensér, ol prim che l'me se 'ntune,
de dét, coi mé cansù ch'ò piö cantat.
Fòrse stassira, sota 'l ciél de Bràt,
me sentirò piö liber e piö 'n bune!

E sircherò 'n d'i mé memorie le
Un'ura de botèp per tiràm sö,
per vèd se de quach pracc o de quach rìe
me salta föra o' scèt che urmai sö piö !

Quate figùre, o Bràt, i vé de lena
sö d'i sentér- che mé i condosse töcc-
e i me se fèrma ché denante ai öcc
e i vé, i pensér, dré al prim, òna filéna!

Quate memorie! E taste i mür, carènze
la mé Colonia, i préde, per sai
se 'l tép a l'ghe n'à facc d'i prepotènze,
dopo mèss sècol che l'èché a sbiel.

E gire per i stanse e grigne e 'ngròpe,
come i perle söl fèl, tōcc i mé dé;
Ù per cantù amò viv- per tōmei dré,
se l'fōss possìbel, prima che i m'i cōpe!

Eco, stassira, m'à 'mbociat la strada
e m'sè egnìcc ché per fà balà 'l barbòs
ognÙ l'gh'avrà òna storia preparada,
ognÙ i sò fati che i ghe stà söl go'ss.

A l'itrèma Ù fil de fòm de sigareta,
come òna sida in aria, e l'tèns de blò
lāmpede e facie...fina che l'và sù ,
l'è ergòt che campa, fin che l'gh'è m'ispèta!

È i paroline 'ntat i se scalmana
d'Ù pōst a l'òter, come Ù sgarùghì
dèt in d'i orégie; Ergòne i se slontana,
ergòne i fà spiòrésem de visi.

Ma quādo fò passà scagna per scagna
e sirche chèi che mé ò zà figùrat
ègn sù de lena sù senter de Bràt,
e sirche inòtilment...Oh, la cōcagna

d'òna fèsta 'n paìs, d'Ù dopo-séna,
la svapura de gul e, per impò ,
Ù arent a l'òter come òna cadéna,
òrèss che tōcc insèma m'tasèss zò !

Fò mia d'i nòm, l'è ignötel. Se mai gh'era
bisògn de regordài tra tace omis,
èco m'i a regordàcc e m'rèsta 'ntis
senza parole... basta ardàss in céra!

E dopo fém pör fèsta al sinquantésem,
magare con vergòta 'n del bicér...
I storie i turne a mètem o' spiörésem
e i sgule fò rossade de pensér!

A m'sirchérà che, d'i memorie le,
me n'rèste ché quach prise-de t8 s8 ,
per vèd a saltà fò de prace o rìe,
scetì che grigna, i scecc che urmai m'sè pi8!

Francitus